

Siswa bentuk perpaduan nasional

■ SITI NURSYAHIDAH
ABU BAKAR

SERDANG - Pimpinan mahasiswa perlu memainkan peranan membentuk perpaduan nasional dalam kalangan masyarakat.

Timbalan Perdana Menteri, Tan Sri Muhyiddin Yassin berkata, ia bagi memastikan tidak timbul konflik atau situasi yang boleh mencetuskan hubungan sesama kaum di negara ini.

"Saya ingin menegaskan pentingnya perpaduan nasional melalui program kepimpinan mahasiswa. Pembentukan Malaysia mencipta banyak perpaduan dan kecemerlangan, maka kita mesti kekal menjadi sebuah negara yang aman.

"Rakyatnya mesti bersatu-padu, tidak ada timbul konflik dan pertembungan dari segi agama dan kaum yang boleh menjejaskan hubungan sesama kita. Jika situasi itu tidak

AC 2015
Kebudayaan Dan Kesenian
din Abdul Aziz Shah
Putra Malaysia



Muhyiddin menyampaikan replika baucar Buku 1Malaysia kepada penuntut pada Majlis Ramah Mesra di Dewan Besar Pusat Kebudayaan dan Kesenian Sultan Salahuddin Abdul Aziz Shah.

dipelihara, program pembangunan yang telah kita atur mungkin terjejas.

"Sebab itu, kerajaan tegas menangani masalah yang boleh membangkitkan semangat

perkauman, isu rasisme, ekstremisme dan keganasan yang kini sudah jadi satu ancaman nyata kepada kita," katanya ketika berucap pada majlis ramah mesra bersama pimpinan

mahasiswa di Universiti Putra Malaysia, semalam.

Bagaimanapun Muhyiddin yang juga Menteri Pendidikan berkata, ketegasan itu tidak bermakna kerajaan meng-

halang kebebasan mahasiswa atau masyarakat untuk memberi pendapat.

"Tidak ada sekatan dan halangan tetapi ada batas tertentu supaya tidak sentuh perkara yang dianggap sensitif. Kalau ia sudah dimaktubkan sebagai elemen penting dalam Perlembagaan, misalnya hak istimewa orang Melayu, kedudukan raja dan agama Islam serta agama dan bangsa lain, itu tidak harus dipertikaikan.

"Apa yang penting kita mesti memahami dalam konteks hubungan antara semua kaum. Ia bermula di peringkat pimpinan mahasiswa untuk melahirkan persefahaman dan kerjasama itu," katanya.

Sehubungan itu, katanya, kerajaan akan memberi sokongan kepada semua program mahasiswa yang boleh memupuk perpaduan.

"Saya tahu banyak program dianjurkan mahasiswa di mana semua kaum dan aga-

ma terlibat. Kementerian akan membantu supaya program ini dapat diperhebatkan di peringkat institut pengajian tinggi di seluruh negara," katanya.

Dalam pada itu, beliau mengingatkan pucuk pimpinan sentiasa mengambil kira suara mahasiswa dan bukan hanya pada masa tertentu.

"Malaysia telah melalui satu proses pembangunan yang pesat dan anak muda harus ke depan dalam soal ini. Pucuk pimpinan harus tahu cita rasa anak muda supaya dalam kerangka kita menggubal dasar dan mengatur masa depan, apa yang dicita-citakan anak muda ini harus diberi perhatian," katanya.

Mengulas mengenai usul dikemukakan Majlis Perwakilan Pelajar untuk menambah jumlah Baucar Buku 1Malaysia, Muhyiddin berkata, ia pasti dilaksanakan sekiranya kewangan negara bertambah baik.